



O BNG de Teo reúne con diferentes colectivos do concello para coñecer as súas inquedanzas

Nas xuntanzas coñecéronse medidas contempladas no programa electoral, que está desde hoxe dispoñible para toda a veciñanza.

Teo, 27 de abril de 2023.- O BNG de Teo leva meses mantendo xuntanzas con diferentes colectivos e asociacións que forman parte do concello. A finalidade destas xuntanzas é establecer un contacto directo e manter relación para coñecer as actuais e futuras inquedanzas, preocupacións ou ideas dos colectivos.

Os encontros mantivéronse con asociacións veciñais, de pais e nais, empresarios e comerciantes, o ámbito cultural e deportivo. A falta dunha última xuntanza, coa mocidade, a valoración é positiva e supón unha importante achega para gobernar Teo.

Ademais da coincidencia con varias das cuestións formuladas, o BNG comprométese a manter unha actitude de interlocución co tecido asociativo moito máis fluída ca actual, facéndoos actores das mudanzas e protagonistas das iniciativas que se levarán a cabo nun futuro goberno do BNG.

Nas distintas reunións o BNG deu a coñecer diversas medidas recollidas no programa electoral que está dispoñible para toda a veciñanza dende o día de hoxe.

Máis información:

teo@bng.gal

Telf. 624 01 51 49